

## Ibraaheem<sup>(a.s)</sup> Se Yaaqub<sup>(a.s)</sup> Tak

Taurait : Khilqat 23:1-2, 25:7-10, 35:28-29

### 23:1-2

Saarah ek sau sattaaees saal ziñdā raheeñ aur<sup>(1)</sup> unkā iñtiqaal mulk Kannaan ke ek shahar Kiriath Ārbā me huā. Ibraaheem<sup>(a.s)</sup> unke guzar jaane par bahut ñamazdā hue aur roe.<sup>(2)</sup>

### 25:7-10

Ibraaheem<sup>(a.s)</sup> ek sau pachahattar saal jie aur<sup>(7)</sup> ñakhir me budhe hue aur is duniyā se ruñhsat ho gae. Unhone ek lambī aur behatreen ziñdagī guzaari.<sup>(8)</sup> Unko apne khaandaan waaloñ ke saath dafnā diyā gayā. Unke donoñ beþon, Ishaaq<sup>(a.s)</sup> aur Ismaaeeel<sup>(a.s)</sup>, ne mil kar unko Makfeeliyā kī ek gufā me dafnaayā jo Maamre shahar ke paas thī. Ye gufā Hittī Zohar ke bete Ifraan ke khet me thī.<sup>(9)</sup> Ibraaheem<sup>(a.s)</sup> ne is zameen ko Hittī logoñ se khaareedā thā taaki wo apnī beewī Saarah ko is gufā me dafan kar sakeñ. Unko bhī apnī beewī ke paas dafnā diyā gayā.<sup>(10)</sup>

### 25:13-26

Ye Ismaaeeel<sup>(a.s)</sup> ke khaandaan kī daastaan hai. Ismaaeeel<sup>(a.s)</sup>, Ibraaheem<sup>(a.s)</sup> aur Haajirā ke bete the. Ismaaeeel<sup>(a.s)</sup> ke beþon me se pahale kā naam Naabaayaut thā aur phir Kidaar paidā huā, phir Adbeel, Misbaam,<sup>(13)</sup> Mismaah, Domaah, Meesaah,<sup>(14)</sup> Hadaad, Timaah, Yaatur, Nafees, aur Kidemaah.<sup>(15)</sup> Ye sab Ismaaeeel<sup>(a.s)</sup> ke beþon ke naam haiñ. Har bete kā ek alag ñhikaanā thā aur baad me wo ñhikaane chote shahar ban gae. Ye baarah bete apne khaandaanoñ ke sarparast the.<sup>(16)</sup> Ismaaeeel<sup>(a.s)</sup> ek sau saiñtees saal ziñdā rahe aur iñtiqaal ke baad unko apne buzurgon ke saath dafnā diyā gayā.<sup>(17)</sup> Ismaaeeel<sup>(a.s)</sup> kī naslen registaan me mulk Haweelah se Shur tak har jagah bas gaeen. Ye jagah Misr se shuru ho kar Asur tak thī. Ismaaeeel<sup>(a.s)</sup> ke log apne dusre khaandaanoñ se alag rahe jo Ibraaheem<sup>(a.s)</sup> kī nasl se the.<sup>(18)</sup>

Ye Ibraaheem<sup>(a.s)</sup> ke dusre bete Ishaaq<sup>(a.s)</sup> ke khaandaan kī daastaan hai.<sup>(19)</sup> Jab Ishaaq<sup>(a.s)</sup> chaalees saal ke hue to unkī shaadi Rebekā se huī jo Faddaam Āraam kī rahne waalī theeñ. Wo Baitiul kī betī aur Araamī Laban kī bahan theeñ.<sup>(20)</sup> Ishaaq<sup>(a.s)</sup> kī beewī se koñ bhī bacchā naheeñ thā to unhone Allaah taa'älā se duā maañgī. Allaah taa'älā ne unkī duā ko qubul kiyā aur Rebekā haamilā ho gaeen.<sup>(21)</sup> Jab wo haamilā theeñ to unke pet me bacche ek dusre ko dhakkā dete the. Unhone Allaah taa'älā se duā maañgī aur puchā, "Mere saath aisā kyun ho rahā hai?"<sup>(22)</sup> Allaah taa'älā ne unse kahā, "Tumhaare pet me do khaandaanoñ ke sardaar haiñ. Tumse do khaandaan paidā hoñge aur unmeñ bañtawārā ho jaaegā. Unmeñ se ek bahut mazbut hogā, aur baðā khaandaan chote kī khidmat karegā."<sup>(23)</sup>

Jab sahī waqt ãyā to Rebekā ne do bacchoñ ko paidā kiyā.<sup>(24)</sup> Pahale bacche kā rañg laal thā aur uske jism par bahut baal the. Us bacche kā naam ïsaah rakhā.<sup>(25)</sup> Jab dusrā bacchā paidā huā to wo pahale bacche ïsaah ke pair kī eði zor se pakde hue thā. Islie us bacche kā naam Yaaqub<sup>(a.s)</sup> rakhā. Jab janaab ïsaah aur Yaaqub<sup>(a.s)</sup> paidā hue to Ishaaq<sup>(a.s)</sup> kī umr saath saal thī.<sup>(26)</sup>

### 35:28-29

Ishaaq<sup>(a.s)</sup> ek sau assī saal ziñdā rahe aur<sup>(28)</sup> ñakhir me budhe hue aur iñtiqaal farmaayā. Unhone ek lambī aur behatreen zindagī guzaari. Janaab ïsaah aur janaab Yaaqub ne mil kar Ishaaq<sup>(a.s)</sup> ko khaandaanī qabristaan me dafan kiyā.<sup>(29)</sup>